

Daxmeh Gou

我的妈妈

贵港市覃塘区蒙公乡古山小学三年级 覃佳庆



Daxmeh gou mbouj sang hix mbouj daemq, byoemgyaeuj raezrangrang, de dwg boux lauxsae he !

Daxmeh gou gig gyaec gou , hix gig gvansim

gou, gij gwn gij daenj gou cungj dwg daxmeh guh hawj gou, ndangdaej mbouj ndei seiz hix dwg daxmeh ciuqgoq gou. De ciengzseiz heuh gou aeu lai lienh ndangdaej.

Vih hawj gou ndangdaej cangq, daxmeh ciengz daiq gou bae guh yindung. Miz ngoenz ndeu banringz, ndit ronghsag. Daxmeh daiq gou bae youzraemx, bae daengz gizdieg youzraemx, guh ndei cunjbei le, gou couh diuq roengz ndaw raemx bae. “Gyahging, 5 miux cung mwngz youz ndaej daengz gizneix daeuj lwi?” Daxmeh ndwn youq hamq baihaenx doiq gou naeuz. “Yungzheih lai lo.” Gou naeuz. Gangj sat gou sikhaek ndaemraemx youz gvaqbae. “7 miux cung,” daxmeh naeuz, “cijaeu mwngz ndaem roengzbae seiz yungh rengz, itdingh ndaej youq 5 miux cung ndawde youz gvaqdaej.” Gou gaengawq gij daezsingj daxmeh bae guh, caen dahraix youz ndaej lai vaiq lo.

Daxmeh gou couhwdg yienghneix, de mboujdanh gvansim gou, hix gig rox gujli gou, gou gyaec daxmeh gou. (指导老师:李专红)



Duz Ma ndeu

一只小狗

环江思恩镇清潭小学三年级 覃梦盈

Ranznden gou ciengx miz lwg mahau ndeigyaez ndeu. Lwg ma neix daengx ndang bwn hausagsag, song duj rwz unqmemmem, doiq lwgda ndaem-ndatndat haenx baenqlulu yawj dwk seiqhenz, lumj doiq aen seiqgyaiq neix gig geizheih. Aenndaeng dumzdwddwd cungj dwg doeng nyouqnyouq sae nyouqnyouq, lumj cingq ra gijmaz doxgaiq ityiengh.

Aenrwz malwg gig lingz, cijaeu miz di sing, de couh “vouvou” dwk raeuq hwnjdaej. Miz seiz gou daegdaengq yengq din yaeng’ yaeng byaij mbouj miz sing, hoeng lwg mahau neix lij dingq ndaej nyi.

Aenndaeng malwg hix gig lingz, naengz nyouq daengz gak cungj heiq mbouj doengz. Ngoenz ndeu banringz, gou fwngz dawz gaiq yanghcangz ndeu, ngamq byaij haeuj ndaw hongh, lwg mahau couh riengz heiqhom byaij gvaqdaej. De yawjraen gou gwn feihdauh raixcaix, couh iet diuz linx raezrangrang, riengz youq baihlaeng gou, lumj gouz gou hawj de gwn di nei. Yawjraen gij yienghceij de hojlienx raixcaix, gou cijndei dawz yanghcangz ndaw fwngz gveng hawj de gwn. Lwg mahau gaemz ndeu couh dawz yanghcangz gwn liux lo. Gwn sat le rizriz aenbak, ngiengx gyauej yawj gou mbat ndeu, yienzhaeuh couh bibi diuzrieng, byaijdedded deuz lo.

Lwg mahau gig unqswnh, gou gig gyaec de. Moix baez gou byaij gyawj de seiz, de couh mbouj dingz bi diuzrieng dongx gou. Moix baez gou yungh fwngz yaeng’ yaeng lumh gwnz ndang de, de couh swnh dwk boemz youq gwnz dieg, caih gou lumh de.

Duz malwg geijlai ndeigyaez ha, youq gij saedceij ngoenznaengz gou, duz mazlwg neix daiq hawj gou haujlai yinxdaeuz!

(指导老师:邓秀妮)

Aen Denbinghsiengh Ranz Gou

我家的电冰箱

贵港市覃塘区蒙公乡凌寺小学五(1)班 卢钰丽

Aen denbinghsiengh ranz gou dwg cangzfanghgingz, miz song mij sang, bangxhenz sam mienh dwg saekhau, cingqmienh dwg saekhoengz. Youq cingqmienh denbinghsiengh lij yaenq miz duj vahenj hung ndeu, gig lwenqda.

Aen denbinghsiengh ranz gou gungh miz sam caengz. Daj gwnz daengz laj, caengz daih’ it dwg caengz baujsien, caengz neix gig hung, ndaej cuengq haujlai doenghyiengh. Danghnaeuz gwnngaiz miz byaek lw, couh cuengq youq caengz neix, daengz haemh caiq dawz okdaeuj cawj, gij feihdauh caeuq gwnngaiz seiz ityiengh. Danghnaeuz gij noh ngamq cawx ma, mbouj caengz cawj daengz, hix ndaej cuengq youq caengz neix, gijgwn cuengq youq caengz neix ndaej baujsien song ngoenz, gvaq geizbaujsien le, gijgwn couh bienq vaih lo. Caengz daihngaih gig

iq, cijmiz aen siengrag ndeu, caengz neix cujyau dwg baujsien gij mak, aenvih gij mak mbouj yungh cawj, cigcip cuengq haeuj ndaw bak bae gwn, danghnaeuz gij mak hix caeuq gij byaek、gij noh itheij cuengq, sigin couh doxgyuek lo, yienghneix gwn mak couh mbouj veiswng, ndigah caengz neix aeu daeuj baujsien lwgmak dwg ceiq ndei. Caengz daihsam dwg ceiq gyoet, ndaej dawz gijgwn giet baenz nae bae, caengz neix caeuq caengz daih’ it ityiengh hung. Danghnaeuz miz gijgwn cungj mbouj caengz sikhaek gwn daengz haenx, couh dawz de cuengq youq ndaw caengz neix, cijaeu denbinghsiengh itcig doeng dienh, gijgwnz neix couh mbouj bienq vaih.

Neix couhwdg aen denbinghsiengh ranz gou, aen denbinghsiengh ranz mwngz dwg baenzlawz yiengh da? (指导教师:韦 龙)


Doenghbaez, duznou caeuq duzvaiz cungj dwg baengzyoux ndei bouxvunz, duzvaiz gengenaz, duznou gip haeux doek、doxgaiq nwnh caeuq sauq ranz.

gyanghongh bouxcawj seuq-supsup. Duzvaiz moix baez dauqma, din cungj miz raemx, rizdin baenz coij dumzsubsub. Gijneix bonjlaiz hix gig bingzciengz, gvaq yaephe couh hawq lo. Hoeng, duznou doiq bouxcawj gangj: “Duzvaiz mbouj maij seuqcingh, gyanghongh gauj uq le gig mbouj ndei yawj.” Bouxcawj yawjyawj gij rizdin myoxmyad, ndawsim hix miz di mbouj angq, couh heuh duzvaiz haeujsim di. Yienghneix, duzvaiz moix baez dauqma, cungj youq rog langh din hawq le cij haeujdaej. Hoeng, miz seiz mbouj rox din hawq caengz hawq liux couh haeujdaej, ndaw geh din lij miz ndik baj song ndik raemx doek youq gyanghongh. Duznou raen le couh lwnh bouxcawj. Bouxcawj dingq lai le, ndawsim couh nyinhnaeuz duzvaiz mbouj dingqvah lo.

Bouxcawj ciengx miz rwi. Duzvaiz rieng raezramram, gingciengz

Duznou Simrwix

坏心眼的老鼠



baet bae baet dauq, rwi lai le, mienx mbouj ndaej cungj miz saek song duz mbin gyawj rieng duzvaiz, deng baet doek roengzdaeuj, miz duz dai miz duz sieng, hix miz duz dauq mbin ndaej hwnjdaej. Duznou gip hwnjdaej, bungj hawj bouxcawj yawj, naeuz: “Duzvaiz mbouj rox baenzlawz lo, mbouj guhhong, cienmonz ra duzrwi fatheiq, yungh bak haeb、yungh

ndaeng byoq、yungh rieng baet、yungh din daemh、daengx ndang roux, duzrwi hojlienx ha, couh yienghneix dai lo. Gou yawj de dwg fatbag lo, ngoenz lawz gojnaengz lienx gou hix mbouj miz mingh lo. Bouxcawj ha, mwngz aeu lai haeujsim di bw.” Bouxcawj cij riuriu. Mboujgvaq, ngoenzngoenz geij duz roxnaeuz cib geij duz rwi dai, bauxcawj hix sim’ in lo, couh heuh duzvaiz haeujsim di.

Duzvaiz gig haeujsim lo, bouxcawj lij seiz mbouj seiz sou ndaej rwi dai.

Vaiz geb rieng guhhong, dang-yienz mbouj vuen, hix guh mbouj ndaej vaiq lo.

Bi neix, souhaeuj siuj lo, hoeng, byaekginghbwx lij heusubsub oiqoep-oep.

Nou caegcaeg youq rog seng le rouh noulwg ndeu.

Byaekginghbwx maj baenz lo. Haemh laepcupcup ndeu, caj bouxcawj cungj ninzndaek le, duznou daiq gyoengq noulwg daeuj ndaw reih gwn byaekginghbwx, hix mbouj ndeindei gwn, cij youq henzbien haeb gaiq iq ndeu, haeb vaih byaekginghbwx lo.

Bouxcawj siengj daengz gij vah duznou, nyinhnaeuz duzvaiz mbouj lumj doenghbaez sienhsoh gaenxgyaek lo, couh gyaep duzvaiz deuz lo. Duznou angq dangqmaz.

Mbouj geijlai nanz, youh haemh laepcupcup ndeu, duznou sim youh haenznyubnyub. De nyaenx mbouj ndaej lo, heuh gyoengq noulwg buenx de bae ndaw reih, guh yak guh angq. Gienh saeh neix dauqdaej hawj bouxcawj raen lo, bouxcawj gyaep duznou okbae lo.

Duzvaiz youh ndaej dauqma lo, lij gya duz meuz ndeu dem. Duzmeuz ndaej rox gij saehcingz doenghgonq le, baez raen duznou couh haeb. Cigdaengz seizneix, duznou hwnz-ngoenz sim diuq mbei mboek, ndojndoj ndumjndumj gvaq saedceij.

(Ganh Sozywnz/甘说文 bienhoiz)